

TA SUKURITU KABA, PRENDA

Ta sukuritu kaba, prenda.
Solo su pinsel a pinta mi atardi
tur shinishi ku kòrà
i streanan ta spreyt den shelu
anunsyando mi anochi.
Ma mi kurason ta sapatyá
pa bebe maske ta sobrá di un serena di amor

Lo mi dunabo mangusá di mi kunuku,
sprengu awa di mi dam den bo kabey
i planta riba kada pechu
yerb'e byentu di mi ilushon,
pa mas den lat
nos sinta den kabes di seru,
ku mi kara den bodogo di bo skochi
spera luna sali
pa mi disparsé.

Pierre A. Lauffer

1 di sèptèmber 1969